

Рукопись впервые

Черновик

февраль 1927

891.99

2-33

1

ԴԱՎԻԴ ՎԱՐԴԱՆ

ԱՐԵՎԱՆԻ



Գ. 055804 - Ը. 9.09.07

1927

891.99
4-34

Դ. ՎԱՐՈՒԺԱՆ ՓՈԲՐԵԿԱՆԵՐՈՒ
Խնամատուր - Եկրիւցացուափէ
Մայրը՝ Ա. ՎԱՐՈՒԺԱՆ ԱՅԻԿԵԱՆ
Հասցէ:

EASTERN GUIDE TRADING CO.
24 East 21st St., New York

ՍԱՐՍՈՒՐՆԵՐ

391.99

Վ-33

ԴԱՆԻԵԼ ՎԱՐՈՒՅՆԱՆ

ՍԱՐՍՈՒՐՆԵՐ

Բ. ՏՊԱԳՐՈՒԹԻՒՆ



ՎԵՆԵՏԻԿ — Ս. ԴԱԶԱՐ

1927

09 AUG 2013

57500/37

12 MAR 2011

Կ Հ Զ Օ Ն Ե Մ

ԽՈՐԻՆ ԵՐԱԽՏԱԳԻՏՈՒԹԵԱՄԲ

ՄՈՒՐՈ.Տ ԱՅ Պ.Ա.ՓԱ.Ց Է Լ

ԲԱՐԵՐԱՐՆԵՐՈՒ

ԱՆՄԱՀ ՑԻՇԱՏԱԿԻՆ



ՄՈՒՍԱՅԻՆ

— « Թեւերս, ուզիղ դեպ ի բարձունքըդ վըսեմ՝
Քնարըդ կ'ուզեն, կ'ուզեն քընարդ. Երկընցուրս:
Կը տրոփէ մէջս Երգերու սաղմն. կը սպասեմ.
Ե՞րբ պիտ' տըրուի անոր ծնուցիչ քու համբոյր :

Երգել կ'ուզեմ. — Թող սարսըռայ բընութիւնն
Մատերուս տակ, ինչպէս մօր ծիծն հոլանի՝
Մանկան առջի բընազգական դըպչելուն.
Եւ կեանքը թող շըրթունքիս վրայ լուծանի:

Երգել կ'ուզեմ. — որոտներն ի՞նչ կ'ըսեն մեզ,
Կ'առնէ խօսք մ' հովիս ամպէն, հովին ալ՝ ջաղաց.
Բառ ունի աստղն. — Երգել, Երգել կ'ուզեմ ես,
Զի կը խօսին Երգով ինութիւնն ու Աստուած:
կ'ուզեմ ծովուն հետ սիրտ սըրտի ես յարիլ,
իմ անհունիս մէջ այդ անհունը թաղել.
Բուռն իղձն ունիմ մըրըրկին հետ մաքառիլ,
Եւ գլուխս կին գաղտնիքներուն դէմ բախել:

Գըրուած է Սէրն՝ վարդին, Հաւատքն՝ աստղին վրայ.
Զաննկը հեգել կ'ուզեմ քնարի շըրթունքով.
Կ'ուզեմ բնութիւնն յօրինել քող մը ծաղկեայ՝
Մտածման ամէն ձեւ իր ներքեւ քօղելով:

Տնւր, ո՞լ Մուսայ, տուր այդ քընարըդ բըռնած.
Պիտ' իմին սիրոս, իմին աշխարհս ըլլայ ան՝
Ուր գաղափարն՝ պիտի բնակի զերդ Աստուած,
Վէ՛ գաղափարն աչքերով բոց, թռիչքով լայն:

Անոր վըրայ պիտի հալի իսանդն հոգւոյս,
Անոր վըրայ պիտի սիրոս յար քըրտլնի,
Ինչպէս կարմիր և սարսըռուն արշալոյս
Մը՛ սէզերուն, հասկերուն վրայ գարունի:

Պիտի այդ քնարը կապէ իմ շըրթներուն
Ժողովուրդին շըրթունքը հուր, սիրագին,
Եւ պիտի այդ համբայըն ըլլայ բուռն, անհուն,
Համբայըն պէս՝ տըրուած ծովէն եզերքին:

Երգերն անոր պիտի պատմեն Սարսուներ՝
Մարմնաւրած իմ արիւնես, շարժումէս,
Ներշընչելով տողեր, փուշի ակօններ,
Ուր, հողմակոծ, պիտ' ծըլի վիշտն աղէկէզ:

Պիտի մուընչեն զարհուրանքները կեանքին՝
Մէջը սուզած՝ արդարութեան, բարութեան.
Սըրբազն՝ քնար, պիտ' լարեն իր մըկըրտուին՝
Մարտիրոսուած եղբայրութեան աշազնն:

Ո՞վ սուրբ Մուսայ, Մուսայ մատաղ լանջաբաց,
Կարծես գեռ նոր ձրգած աստղէ օրոցքդ հուր.
Ո՞վ վարդ կոյս, գուր, ժողովուրդին խոստացուած,
Լայն սէրերու դու խոստացուած, քնարըդ տուր:

Երիտասարդ՝ բայց շուտ ձանչցած շատ բաներ՝
Գիբրկըդ կու գամ երազելու առանձին.
Մէկդի թողած եմ ժըպիտ, խաղ ու պարեր,
Նորընծայ եմ գաղափարի աշխարհին:

Թէւերս՝ ուզիղ դէպ ի բարձունքըդ վըսեմ՝
Քնարըդ կ'ուզեն, կ'ուզեն քընարդ. Երկընցուր:
Կը տրոփէ մէջս երգերու սաղին. Կը սպասեմ.
Ե՞րբ պիտ' աըրուի անոր ծնուցիչ քու համբոյր»:

Այսպէս ըսի: — Եւ պատասխանն աղէկէզ՝
Մուսան՝ վերէն հովին յանձնեց դէպ ինծի.
— «Տենչեդ ըզգիշ, այս քընարս է շինուած, տես,
Եւ նոճիէ, փթթում մահուան աւիշի:

Թըշուան հոգի, անոր լարերն են բերուած
Փէթըուալւած գանգուրներէն որբերուն.
Կ'երթան երգերն, հեւհեւալով, սըրընթաց,
Ուր որ կ'երթայ ոսքը բուպիկ՝ խեղճութիւնն:

Հեռոն ասկէ. — գիտցած ըլլաս՝ որ այս քնար՝
Քամահրանքով պիտ' անտեսն ձերիններ. —
Զի օսարին ոսկոյն քով իսկ՝ ձեր գոհար՝
Աչքերնուդ շող մըն ալ, ըստէպ, չի ցայտեր:

Պիտի գոցէ իրէնց ալիքը բուստերդ,
Եւ փուշերու, եղիձներու մոխիրով
Պիտի թաղէն կայծերն հոգւոյդ բոցակերա՝
Նըւագներուդ ողբը քեզի՛ դարձնելով:

Հեռատեսէ. ապագայդ խիստ մըթին է.
Հեռատեսէ. գերեզման մ'է ապագայդ. —
Խանձարուրէդ պիտի օրոցք մը չելլէ.
Պիտ' ըլգըտնես միջոց թռիչքի համեմատ:


Ժողովուրդին ըլլալ կ'ուզես՝ մօրդ չեղած.
Ծնողքիդ արցունքը քու դարձիդ կը սպասէ.
Արեւմուտաքի մէջ ծաղիկներդ ընձիւղած
Պիտի խորշակն Արեւելքի ազագէ:

Մըտածումի, ըզդացումի այս ճամբուն՝
Խընդի արեւը չէ սըփռած իր շէկ բաշ.
Հոն կը շըրջի Աբովեանի մ' հէդ ուրուն,
Հոն Դուրեանն է լացած, աըխրած Պէշիկթաշ:

Ի՞նչ, կ'ուզես քնարն, որուն շանթերը մէջի՝
Պիտի հաճոյ չըմըռընչեն շատերուն.
Որուն վրայի քողն է սեւ քօզ մը խեղճի,
Թէպէտ ըլլայ մէջն արշալոյս մը շողուն:

Ի՞նչ, այս քընա՞րը կ'ուզես, քնար սեւ փայտէ. —
Այս՝ վերքերու գործի մըն է, այս է հուր.
Ապագայդ է, այս՝ դագաղդ է, անոնդ է »: —
Ես, անյողդողդ, ըսի անոր.

— ԲԱՅ, անւր: —



ՆԱՅՐ ՕՐՆԱԿ

◆◆◆◆◆

Հայր իմ, օրհնէ . ժամը հասաւ . պիտ' երթամ .

Նոր կեանք մ' ինձի կը սպասէ :
Պատանութիւնն ես թողուցի . նոր արիւն
Երակիս մէջ կը վազէ :

Յառաջ, յառաջ . — գըլուխս ետ չէմ դարձըներ .
Երկնքէս վար թող իշնան
Անվիտ կեանքիս ամէն ասաղեր . հոգըս չէ .
Անցեալս իջնայ թող դամբան :

Օհ, ինձի բնչ՝ թէ կը փետեմ վարդին թերթ,
Եւ փուշին կեանք կու տամ միշտ ,
Թէ գըրկաբաց յորձանքին մէջ կը նետուիմ . —
Խինդու է՝ ձանձրոյթ , սէրս է՝ վիշտ :

Ոմէն խայտանք ջախջախեցի սըրտիս մէջ . —
Չեմ վախնար սեւ ծըծելէ .
Վանք մըտնող կոյս մ' եմ՝ որ խըզուած իր վարսեր՝
Անխիղճ, անհոգ , կը դիտէ ...

Հայր, ես կ'երթամ այն ճամբայէն՝ որ ճերմակ
Մազերուդ զիս կը տանի,
Վաստակաբեկ ոսկըրներուդ, ծեր սըրտիդ
Եւ սէրերուդ կենդանի...

Բաւական է. — աշխատեցար, կըրեցիր.

Ոմէն նեաի, հարուածի,
Վահան եղար ինծի համար. հոգիդ է
Որ հոգւոյս մէջ կը յածի:

Իմ արինս է գոյացած քու քըրտինքէդ. —

Յոգնութեանդ ծիլն եմ տըխուր:
Հոգիդ, կաղնե՛. երբ կուրծք կու տար մըրըրկին՝
Ես շուքին տակ, հանգիստ, լուռ


Կը մէծնայի: — Հարկ է հիմա ա՛լ հանգչիս
Եւ ես քեղի յաջորդեմ . . .

Խոնջէ՞նք, խոնջէ՞նք. — Կ'ուզէմ կըռուիլ, աշխատիլ,
Եւլել կեանքին, կեանքին դէմ . . .

Հայր իմ, օրհնե՛. դողդոջ ձեռքերդ դըլխուս դիր.

Թող մատերէդ կաթի վար
Աղօթքդ՝ եկած հոգւոյդ պայծառ խորանէն:
Աերջին ժամն է. օրհնէ, հայր:

— 16 —



Սարսաններ

4155-86.

Հոս կը պառկի: — Ոսկի ձեղուն չըկայ վրան.
Եւ պատկեր պէրք, գիպակազարդ, անսասան
Յուրալ գըրսի՛ ներսի տաքէն չեն բաժներ.
Նըկարներէ նըկար մրափուն իր աչքեր
Հեշտ երազի մ'ետեւէն չեն թափառիր.
Եռոտանւոյն վըրայ հալուէն չի վառիր:
Հոս կը պառկի: — Փուն մըն է այդ՝ որ երբեք
Պիտ՝ չըբանայ իր այդ գոցած աչերն հէդ.
Գիշեր մըն է՝ որուն արգանդը մութի
Պիտ՝ չհըղանայ արշալոյս մ՝ իսկ՝ որ փըթթի:
Ան իր գըլուին կըուըտինով վար գըրաւ,
Եւ ազօթքով ալ պիտի վեր չառնէ բնաւ: —
Երէկի ձիւնն անոր գագաղ մ'է ահրմակ,
Այսօրուան ձիւնն ալ՝ կափարիչ մ'ըսպիտակ. —
Բնութիւնն ուզեց այդ մարմինին մերժըւած
Պատըսպարան մը նըւիրել, ո՛հ, առանց
Մըտածելու թէ գերեզման մը կու տայ:

ՀԷԿ մոլորած, սա գինետան մօտակայ
 Պըռնէն ելաւ, և անդիտակ, խօլ, ինքնին,
 Ինկաւ դըրան առջեւը սա պալատին:
 Արբեցած էր: Զեան մէջ ըլլա՛լը չըզգաց.
 Արդէն հիւղին ան ո՞ր խորշն էր ջերմ գըտած:
 Հոս չըկար վիշտ, չըկար լալնը մանկան,
 Եւ ողբը մօր ալ անկարող գիւցման.
 Չըկար խեղդուկ ձեղուն, խաւար և բորբոս,
 Չըկար մըրուրն առկայծ ճրադին. — լաւ էր հոս: —
 Վաւ էր այստեղ: —

Սառ բուրգին տակ եղաւ սառ,
 Եւ սա քարէ սեմին վլրայ գարձաւ քար,
 Հոն դընելով ահուելութիւնը կեանքին.
 Եւ իր ուրուն պըտացնելով՝ ներմն հեշտին
 Նընջողներուն երազին մէջ, իբր օձ մի՝
 Որ զինք ճընշող գաւազանին կ'ոլորտի:

 ԱՌ բնութիւնն այս իր խորթ որդին ընկեցիկ
 Մոռացնքի մէջ թող պատէ. թող մարդիկ
 Վաղն՝ այս իրենց խեղձ աբացածը տանին
 Լըռութեան ծոցն՝ երկրորդ աշխարհը մերին —
 Երազանքի համար է մեր օրօրանն,
 Ու անկողինն յոյզի, շիրիմ՝ լըռութեան . . .
 Դէմքն հեգնութեամբ մը գարձած է երկընքին՝
 Ուրկէ շող մ'իսկ չընկաւ անդունդն իր կեանքին.
 Ուրկէ խուսած մէկ կաթիլ մ'իսկ կապտագոյն՝
 Չըմիացաւ իր ովկիան սեւերուն,
 Մինչ շատերուն անծիր գըմբէթ իրնդութեան,
 Իրեն համար նեղ առաստաղ մ'եղաւ ան.
 Եւ չըսըփուեց լոյս մ' իր քայլին այցելու՝
 Որ, մոլորած, կ'երթար եղտիւրն ախտերու,

Այդ երկինքն, ոչ, տըւաւ անոր օրերուն
 Աւ հիւղ մը լոկ, և գիտին՝ ճերմակ ձիւնն:
 . . . Պիտի փայլի վաղն արեգակն անոր վրայ,
 Այդ մէծ Ճըրագն որ կոյր երկրիս լոյս կու տայ.
 Եւ պիտի ձիւնը չողջողայ ցուրտ մարմնոյն՝
 Պըտուտքելով անոր գեռ մէւ մագերուն,
 Ինչպէս Ճերմակ եղեամն հովէն կը թըրթուայ՝
 Աւ վեհութեամբ կանգուն նոճի մը վըրայ:
 Վաղը, ժողվուած վառարանի մը չորս գին
 Մինչդեռ ժըպտով մը որդիներն հարուստին
 Գիրկերէ գիրկ պիտի կայտուեն, — ըստորեւ,
 Հոն հիւղին մէջ, ցուրտ անկողնի մը առջեւ՝
 Որ գասարկ է, խեղձին արզաքն անխլնայ
 Պիտի Ճըւան. — «Հայրիկն, հայրիկը չը կայ»:

Ո՛վ լըքուածներ վոգրիկ, նօթի, ցըրտահար,
 Պիտի այլեւըս չըդառնայ ձերին հայր.
 Թէրեւս առանց ողբացուելու ձեղմէ՝ զայն
 Փութկոտորէն մոռացումի հովին տան. —
 Զի մարդըս այնքան կը շտապէ՝ մէջտեղէն
 Վէրցընելու իրեն նըմանը արդէն:
 Ան հոն է, հոն, հեռուն մէծ տան մը սեմին՝
 ԱՌ անկենդան տարածուած է իր մարմննն:
 Հոն սըդաւոր աչք մ'իսկ չըկայ՝ որ զինք լայ. —
 Դադաղի ծածքը սեւ չէյնար իր վըրայ:
 Յաւերժօրէն գիշերն իջաւ ծոցին մէջ.
 Թոյլ երակները չունին ալ ելեւէջ.
 Ցուրտն իր ներսի՝ գուրսի ցուրտին միացած՝
 Խեղձն ըրին մարդ մը սառուցէ յօրինուած.
 Աւ քուրջերուն, կընճիւներուն մէջ ճակտին
 կը քընանայ կարծէս սոսկումն ահագին.

Կէս բաց շըրթներն (ձիւնէ ակօս գէմքին վրայ) Կ'ըսեն կարծես. — « Ինձ գէրեզմա՞ն մ'ալ չըկայ » : -

Պիտի բացուին դըռներն հիմայ պալատին.
Պիտ' միանայ ծիծաղ մ' հիմակ այս սուդին:
Ոտքի ծայրով գիտակը ցուրտ, վըշտակիր՝
Պիտի շարժեն և պիտ' ըսեն. — « Արթընցիր » : --
Եւ իր գըլուխն աստիճանէն մարմարեայ
Սալյատակին քարին, անշունչ, պիտ' իյնայ . . .

(Ո՛հ, ո՛վ Տէր իմ, Տէր անայլայլ, անլըրդով,
Է՛ր կը փըշրես ալիքն՝ եկող ալիքով.
Է՛ր կը յանձնես տէրեւը՝ դուժ մըրըրկին,
Լերան աւաղն՝ հեղեղներուն մոլեգին.
Է՛ր կը մատնես մարդը՝ մարդուն կեղեքման
Եւ հէգ ճակատը՝ ոտքերու յաղթական):
0՛ն, արթընցիր: — Եւ պիտի ան նընջէ դեռ:
Պիտի ըսեն, — « Հողին տըւէք. չը իւլմէ՛ր » : --
Ի՞նչ, չը իւլմէ՛ր: — Ո՛չիր մ'է այդպէս խորհիւ
Դատաստան մ'է քարէ սրտի, մըտքի շիլ:
Մընք, անձնասպուրծ, նաւուն վըրայ ջըրհերձիկ՝
Անոր համար ուսման լաստ մ' իսկ փըշրեցինք,
Եւ արդ կ'ապշինք ըրգըսանենուս համար զայն՝
Հոս, ծովեղիրքն ազատութեան, փըրկութեան:
Անդէս մանուկ մըն էր առաջ՝ որ ամէն
Մէր անարդար թողլըքումի շարժումէն՝
Սահմըուկելով իջաւ դէս ի ցուրտ պատրանք.
Ու երէկուան հէտ մերժըւածն (այս գիտնաք)
Այսօրուան կոյր կորսըւածն է՝ զոր կ'ատեն:
Այն նօթի տղան՝ որ կը վուընտուէր մեր դըռնէն՝
Այս մոլորած մարդն է, որ մեր սեմին վրայ՝
Կը դառնայ Վրէժը սըրբաղան և հըսկայ:

— 22 —



Ան՝ մեր հրածն է, որ խոցոտ քան թէ գինով,
Հոս տեղ ինկաւ, պատէ ի պատ երթալով:
Ի՞նչ, մաքրափայլ չիթը պղաոր ուղիին վրայ
Կը կաթեցնէք, և կ'ուզէք ալ պայծան մնայ:
Թարմ տունկին չէք տար ոռոգումն կենսական,
Սիւէքի համբոյրն, լըսի հեղեղը գարնան,
Եւ կ'ուզէք ալ՝ որ հողմաւար, ազագուն,
Անցքին վըրայ չըկառչի ձեր ոռքերուն:

Աղքատութիւնն ըղմարդ կ'ընէ ախտաւոր.
Բիւր գինովին ինն հազարն են չըքաւոր:
Զիրէնք մուցող աշխարհն մոռնալ կը ճըգնին՝
Ալքոլի մէջ խեղբելով կեանքը վըշտին:
Կ'ուղեն իրենց հառաչին մէջ ու լըքման,
Եւ լացին խորն իրենց կընոջ և մանկան
Գրանել ցնորդի մը երազներն սատափէ
Եւ խինդ մ'որ թոյլ ուղեղը լոկ կը խաբէ:
Կ'ուղեն քօլեր ձըգել իրենց աչքերուն
Որ ըրկարդան ճակատագրին տողն-արիւն,
Որ ըրտեսնեն մոլնչող ալիքն ոռքի տակ,
Եւ գըլիսու վրայ՝ գեշերուան սեւն այլանդակ.
Որ ըրտեսնեն նոյն խոկ զիրէնք, սեւ, թաղուած
Կիսով չափ խորը գամբանի մ' մըթամած,
Նըման լացող ուռենիի մ' որ, աըկար,
Կիջեցնէ գըլուիլ մութ վըհէն վար:
Եւ այսպէս, ո՛հ, նըման շուքին, սարսուռին՝
Հորիզոնէն գողդըլալով կը սառին:
Զիրէնք յիշող լոկ կը ձըգէն, մերկ, անտէր,
Խոնաւ հիւղին մէջ վիժած, փոքր անդամներ.
Տալով (տըխուր ժառանգ՝ որ միշտ կը մընայ)
իրենց անցեալն՝ անոնց իբրեւ ապագայ:
Կ'երթա՞ն, կ'երթա՞ն փուշի մէջէ և ձիւնի. —

— 23 —

Փուշին վըրայ կը սրըսկեն շիթն արիւնի
Բաց վէրքերէ, և ձիւնին վրայ կը թողուն
Կաղապարներն իրենց նիչար, ցուրտ մարմնոյն:
Կ'անցնին, կ'անցնին մութի մէջէ, եղեամի,
Յուսալով միշտ հանգըստութեանը շիրմի . . .

Մինչ դու, ով մարդ, պատուհանիդ առջեւ, դոհ,
Կը ժըպտիս ցուրտ պըտոյտքներուն ձիւնին . . . ո՛հ,
Անոնք, անդէտ, կը ծածկեն, հոն, քիչ մ' հեռուն,
Մարմինն եղբօրդ՝ որ կը հծծէ. — Գըթութիւն:



Դաստիարակն է: — Կը խօսի ծանր, յըստակ.
Զայնն ասաղերէն, լցուէն կու գայ:
Բառը կ'ելլէ, թըռիչներուն վրայ հուր կայ.
Զայն կ'արձակէն իրենց բոյնէն գիրքն ու կեանք:
Թոք կը սպառէ, միտք կը լըլիէ, շունչ կու տայ.
Եւ չի խորհիր իր վէրքերուն.
Մանկութեան գէմ գըրած ամբողջ ծերութիւնն
Կը բաժնէ իր ծովը բազում լըճի վրայ . . .
Վըսէմ կոչումն: — Հոգեակներու մէջ հըլու,
Ըզդուշաւոր հըպումներով
Կը գըրէ գութն էջերու վրայ ապահով.
Կը ցանէ սէրն՝ անձնուիրութիւն քաղելու:
Անոնց կոկոն ուղեղին մէջ կիսաբաց
Կը զէտեղէ ճառագայթներ,
Եւ կը լեցնէ խաւերն անոր՝ բարերէր
Իր գիտութիւնն Աստուծոյ մէջ ամփոփած:

Եւ հաւաքած ամանին շուրջն իր սըրտին

Մանկանշըթներ՝ որք կը ծըծէն,

Կը բաշխէ, հեղ, անոնց արին արինէն. —

Այդ իր կեանքն է՝ որ կ'անցընէ ուրիշին:

Եւ այսպէս օր մ' երբոր ըլլայ զոհ մը, ծեր,

Մեռնելու մօտ և հոգեվարք,

Պիտ՝ մընայ լոկ անոր այս մեծ միսիթարանք՝

Թէ՝ իր կեանքն իր սաներուն մէջ կ'ապրի՛ դեռ:

ՀԱՇԻՇ



Սիրալ լեցուն է բանտին խաւարով.
Աւ դաշտ ու երկինք չըկան իր համար.
Պիս' գընէր աչքի հազար գոհարով
Աստըղ մ' ան նցյն իսկ՝ ասուպ աւ ըլլար:
— « Օ՞ն, հաշիշ բերէք, կը մըրմընջէ ան,
Երբ աշխարհս ինծմէ այսպէս կ'ապշոպէն,
Ես կ'ուզեմ հոգւոյս մէջ ըստեղծել զայն. —
Օրօրուիլ, բուժել հըզօր ցընորքէն:
Օ՞ն, հաշիշ բերէք »; — Եւ ան կը ծըխէ,
Իբր ուրախութեան ըստինքը ծըծէր.
Կը հոսի երազ ջըլերուն մէջէ.
Աշխարհը լուծուած կ'ելլայ սիրան ի վեր:

Աչքերը բանտին դիմաց կը գոցուին՝
Ապարանք մ' իր մէջ գըտնելու համար.
Բիբերն հըբաժեշտ կու տան խաւարին՝
Աստղեր բերելու խոստումով ճարտար:

Եւ կը քընանայ արուեստի քունով
ինչպէս խըղջի խայթն՝ աղօթքէ մը վերջ.
Ո՞վ թըշուառ հոգի, հիմայ ապահով,
Ազատ է և տէր՝ ցընորքներուն մէջ.

Եւ կ'երազէ շատ, շատ բաներ աղուոր
կամ յոռիներն ալ աղուոր կ'երազէ. —
Բըռնած շըղթայի մ' օդակն ահաւոր՝
Կընոջ մը մանեակը զայն կը կարծէ:

Վարդէ, ոսկիէ գետի մ'ափն ի վար
իր մանկան խաղին կը ժպտի հիմայ.
Կամ ինքն իսկ մանուկ՝ լըճակին մէջ յար
Երկինքն՝ երկընքին մէջ զինք կը տեսնայ:

Շըրթունքները լուռ, մեղմիկ կը գողան՝
Անշուշտ ուրիշներ գըանալնուն համար.
Թէրեւս (ո՞վ գիտէ) կը լըրացնէ ան
Համբոյր մ' ատենով թողուած կիսկատար.

Կամ կը շըրջի արտն՝ ազատ քայլերով.
Կը վայլէ երկինքն, աստղերու արդանդ:
Մի արթընցընեք, քանզի ապահով
Զինք կը փոխադրէք լցու աշխարհէն՝ բանտ:

Թողէք քընանայ . . . թող հաշիշին մէջ
Սեւ շըղթան բեկտի վիշտը լուծելով:
. . . Ո՞վ անմահ մեկոն, երազի առէջ,
Դու ցընորքն հիւսէ ոսկեղին թելով.

Հիւսէ խընդութիւն մը անըրջական
իր խոցուած հոգւոյն, ուղեղին վըրայ.
Բըպիտն աղուոր է, եթէ նոյն իսկ ան
Խարուած թըղերու վիժածն ալ ըլլայ:

ՏՂԱՔ ՆԵՐԵՑԻՔ

Մի, մի ծեծէք: — ինչ, խառնակեց ձերին խաղ.
կամ թէ անգէտ և դիպուածով, մըտազբաղ,
ջեր գընդակի՞ն զարկաւ ուղբով մէկէն մէկ.
Թափեց մէլանը թուղթերնուդ. — Ներեցէք:

Ո՛չ, ներեցէք, զի հայ մըն է, մեր եղբայր.
Ո՛չ, ներեցէք, զի տըկար է, ցաւագար.
Բնութիւնը այդ խեղճ՝ էակն է անտեսեր. —
Զէ թափած իր կազդուրող հիւթն և ուժեր՝
Անոր մարմնոյն, և իր բոցերն՝ հոգիին.
Կոյր մ'է եղած անոր, մինչդեռ դայեակ մ'հին
Զէզ շատերուդ: —


Սուգի շիթ մ'է այդ տըզան
Որ եկաւ հոս՝ մեր լուսանքին, նենգութեան
Մէջ ընելու իր սեւ ըըրջանն արցունքով.
Թողէք այդ աստղը, հանգարտիկ, անվըրդով,
իր հորիզոնն իջնէ, առանց զանիկայ
Ասուակ նելու, թէպէտ արեւ աւ չըլլայ:

Թըշուառ ծաղիկ գերեզմանի, տըխրութեան.
Ո՞չ, փոթորկէ փոթորկի մի յուղէք զայն,
Այսինքըն՝ խօլ բարկութենէ բարկութիւն.
Ինչպէս դուք, ան ալ սիրո մ'ունի ըզդայուն:
Հակած ձակատն ու նայուածքները ազօտ,
Ամէն քայլին՝ վարանումները վախկոտ,
Եւ արցունքներն, որոնք կախած շըրթներուն
Կը թափթըփին, կ'ըսեն ձեզի. — Գըթութիւն: —

Երբ ծիծաղէ դուք նոր ծիծաղ կը թըռչիք՝
— ինչպէս, գարնան աչքը ծաղկէ ի ծաղիկ —
Խորշ մը քաշուած՝ անիկայ սեւ կը ծըծէ,
Այդ զըրկըւածը խայտանկէ, քըրքիջէ,
Այդ վըտիտ սիրոն, այդ թոյլ ձաճանը գեղնած,
Որ ամպէ ամպ կը փաթթըւի տըխրամած.
Կարծես հոգւյն՝ Աստուած գամբան մ'է դըրեր:
Կարծես բըբին մէջ քամած է սեւ գիշեր:
Օ՞ն, այդ տըխուրն հիւսեցէք ձեր զըւարթին,
Զեր շողերուն, պայծառութեան, ժըպիտին: —
Գարունը իր ըստուերներուն հետ, տըզաք,
Է աւելի քաղցրաղըւարթ, ներդաշնակ:
Թերեւս օր մ'այդ սըրահն տըխուր, վըհասոյզ,
Մարդդիտ բըզիի, տըխմար աչքէն՝ արշալոյս. —
Երբ ժամն հասնի սին փոսուան լցու չի տար.
Ո՞վ գիտէ վաղն, Այսօրը ո՞վ պիտ՝ գիանար:

Դեռ տարաժամ՝ թող չըշափէ այդ տըզան,
Զեր աչքին մէջ մըույլ հոգին Մարդկութեան,
Այդուն առջի թոյլ շողին պէս՝ որ կանուխ՝
Կը խեղդըւի մութ վըհի մ' մէջ խորամուխ,
Եւ գեռ մատաղ՝ թող չըկարդայ ձեր գէմքին՝
Մարդկութիւնն իր ձիրաններով միասին:

Սիրտ սըրտի տուէք, և ձեռք ձեռքի, սիրէմէք,
Քանզի աշխարհ կոր է, չըլլայ թէ սահէք:
Գիտցէք սիրէլ, մի անարդէք, մի ծեծէք.
Աստուած մը կայ, ով եղբայրներ. — Ներեցէք:
Ներեցէք դուք, և պիտ՝ ներուիք յաւիտեանն:
Մեր եղբայրն է դատաստանի մեր մատեանն.
Ըզդու եղէք. օրէնքը ո՞ր կոխկըռտող
Նոյն օրէնքովը չի դատուիր: — Թողէք ոխ: —
Ներէլ գիտցէք և պիտի դուք ապրիք յար:
Հաւատարիմ մեր հայլին է մեր եղբայր.
Օր մը Աստուած մեզ անոր մէջ պիտ՝ գիտէ. —
Միթէ ո՞ր աչքն, որ թունալց, պըզոր է,
Կ'անդրագառնայ իբրեւ պայծառ արեւակ,
Ո՞ր արիւն-ձեռքն՝ իբրեւ շուշան ըսպիտակ:



ՄՈԽԻՐՆԵՐՈՒՆ ԱՌՁԵՒ

Հիւղն այրեցաւ : — Թըիսաթոյր ծուխը նիւթին
կապոյտ զենիթը սեւցուց .

Ան , գէպ երկինք , խեղճ մարդերու յոյսերուն
Ոչընչացումն էր գըծուծ :

Հովլ որ առաջ կը հեծկըլտար ցըրտագին
Գոյքերուն մէջ գիմակաց ,
Հիմակ անոնց թոյլ մոխրին հետ կը խաղայ՝
Հեգնող շըշուկ մը ձըգած . . .

Կը մորմոքի ընտանիքն իր ջանքերուն
Աին փոշիին յանդիման .
Կու լայ . — անդութ այդ հըրդեհումն արցունքով
Պիտի ջանար մարել ան . . .

Մայրն ըստինքին վըրայ սեղմած մերկ որդին՝
Աւերին մէջ կը շըրջի .
Մանկան համար ողջ շապիկ մ'ան կ'որոնէ՝
Եւ կամ կըտոր մը քուրջի :

Տարաբա՛խտ մայր, կաթին գունատ փըթթումին
Պատըսպարան չըմընաց. —
Յանկարծ ուքին կը զարնըւի սարտուռով
Օրոցքէն փայտ մը, խանձած. —

Ոհ, դաժա՞ն բոց, ատիկայ բոյն մ' էր սիրոյ՝
Որ քանդեցիր զայրոյթով.
Հոն, աշխատնած զսդ մը շըրթունք վրայէ վրայ
Կը ծըծէին սէր, գորով։

Արդ, մոխրին տակ խեղճերուն կեանքն է թաղուած,
Ա՛ւ գամբան մ'է հիւլն իրենց.
Բախտն, որուն աչքն արդէն կասկած է Աստուած,
Փոշի, կըմահիք հոն ձըգեց։

Ըսէ, ոլ Տէր, հիմայ գէպ ուր պիտ' երթան
Այդ թըշուառնէրը լալկան.
Դու որ անոնց տընակն առիր, յոյսն առիր,
Օն, ըսէ, ուր պիտ' երթան . . .

Գէթ անձնըւէր գութ չըտըւիր մարդերուն՝
Որ անոնք հոն կըծկըւին,
Որ մարդկային սըրտերու մէջ՝ գէթ անոնք
Խորշ մը գոտնան չերմագին։

Ուր պիտ' երթան. — Երիկն արդէն հիւանդոս,
Սիրո մ'ուրկէ ողբ լոկ կ'ելլէ.
Կինը, վասուժ, պինդ շըլթայուած եր վըզէն
Նիհար, փոքրիկ թեւերէ։

Ուր պիտ' երթան. — Գահավէժի մը վերեւ
Իր կեանքը մին կախելու,
Թէ, յուսահատ, միւսն անպատիւ տան մը մէջ
Մաքուր սէրն իր ծախելու։


Ուր պիտ' երթան սեւ նոճի այդ ծաղիկնէր
Ճակատադրէն հողմավար,
Ծուխէն, բոցէն այդ քըշուածնէրը շըլմոր,
Վէրքի շիթէրն այդ թըշուառ։ —

• • • Ե՛րբ պիտի գայ, ոլ Տէր, այն օրը վըսեմ. —
Եղբայրութիւնն Մարդկութեան
Ե՛րբ եր շըլթան պիտի ձըգէ սըրտէ սիրտ'
Մեծ համբոյրուն՝ յաղթական։

Ե՛րբ հըրկիզեալը չըքաւոր, յուսաթափ,
Մոխրին վըրայ ինչքերուն,
Ցուրտ, վիթիարի լըքումին տեղ պիտ' գըտնայ
Տիեզերական Օգնութիւն։



Կ Տ Հ Ա



Ա

ինծմէ հեռու, ահաւոր է տեսնել քեզ.
Գարնան ծաղիկն ուղիսին կը բնայ գէմ գընել
Ո՛չ, քեզի հետ բնչպէս կը բնամ շափուիլ ես. —
Դու արհեստիդ մէջ վարպետ ես և ընդել:

Դեռ նոր գըրի մեծ հովանն մէջ իմ քայլեր՝
Ուրկէ երկայն ճամբան կ'երթայ նեղնալով.
Ծայրն է շիրիմ՝ զոր հասակս այս չի տեսներ՝
Կամ կը տեսնէ միայն սոսկման մը դողով . . .

Քայլիս առջեւ՝ մի վերցըներ այդ հովաէն՝
Ծաղկի, շողի և ցողերու պատմուժանն.
Թող որ երկնի յորդ ալիքներն հըրեղէն
Հոն՝ կապուտակ իրենց ժըպտով հաշտ իջնան:

Ինծի համար խորդենին մի 'ներ եղիձ,
Աղաւնին՝ անդդ, ու ջինջ վըտակը՝ հեղեղ.

Վարդին ծոցէն հանէ պիծակը խայթիչ,
Մարգն՝ օձին մի կապեր դիմակ մը շըքեղ:

Բ

Նորէն վըրաս յարձակեցար բըրտօրէն,
Դու, ողջերու զերդ բորէնի դժոխային.
Ժանիքիդ մէջ խըրած՝ արիւն կը կաթէն
Ծըւէններն որս եղած սըրտի մը նախկին:
Կը տեսնեմ. — չես կրնար ծածկել աչքերէս
Զեռքիդ մէջի սըրուակն ողբի, արցունքի.
Աըրուակն հիւթի մ' (մահացուցիչ՝ թոյնի պէս)
Որ մարմինն յար կը վարակէ հիւծանքի:
Մորթիդ ամբողջ ծակտիկներէն կ'արտադրի
Յուսհատութիւն և թափնութիւն հոգեկան.
Արտաշընչմանըդ մէջ լըքումը կ'ապրի
Որ միշտ ճամբայ կը բանայ քու յարձակման:
Վայրի մազիդ ալիքին մէջ ծըփանուտ՝
Ես կը տեսնեմ պըսակ մ' հագած արեան գոյն:
Զոր ինքնակալ Մահը ձնեց քու գըլիսուդ,
Երբ տուիր անոր թանդ աւարի մ' յըղփութիւնն:

Գ

Քեզ յըղացան փոթորիկներն աւրող յար,
Թէ քեզ ծընան նաւը փըշրող կոհակներ.
Սէ հրաբուխի մը որկորէն գուրս ելար՝
Ուր մեզի դէմ Սատանան քեզ կը զինէր:
Երեր Աստուած իջաւ կաւին փըսփըսաց,
Ու ծընաւ այսպէս հողն՝ ըզմարդ, մարդն՝ ըզկին,
Կը թագչէիր պըսառցին մէջ արդիլուած՝
Որ փոքրիկ բան օրէնք դրաւ մէծ աշխարհին.

Բայց այս գիտեմ՝ թէ ճանչցուցին քեզ ինծի՝
Երբ էակներ փափագեցան որ ապրի՛.
Երբ օրոցքին մէջ մօրըս շիթը լացի՛
Եկաւ ըլլաւ իմ շիթերուս մըտերիմ.

Երբ աչքս, արբշիու, դիսպաւ աչքի մը բոցէ,
Եւ փոքրիկ սիրալս սիրոյ մէծ վիճն իջաւ. —
Զերդ ծիտ մ' որ դէպ արփաւոյն հանիլ կը փորձէ,
Եւ կամ արփին գըրկէլ՝ Անհունը անբաւ.

Երբ բաշխեցինք յիշատակներ զատուելու,
Եւ մեռաւ մամս, ու եղբայրներս ետեւէն. —
Զի՞ փաստաբան՝ ծերը մանուկը կ'առնու՝
Առւրբ Դատողին գէմն ելլալու նեղ ատեն:

Դ

Ինծի կու գաս ուր տեղուանքներ այցելած. —
Դալուկ դէմքէն սէւ դագաղի մը հակող,
Հառաչանքէն որբիկներու, աղքատաց՝
Որոնց համար կը պարզէ ձիւնը սէւ քող:

Հուր ողբերգներն իւսկիւտարի Սոխակին,
Թէ Յուսահատ Ուէքանաթցւոյն անհուն ցաւն
Ըզեղ սընոյց, որոնց սիրած գէղն, ինքնին,
Եր օրոցքին գէրեզմանին նայեցաւ:

Կուրծքէն կու գաս Աւարայրի Պըլակուլին՝
Թէ իսրայէլի Երանելոյն սըրտէն լայն,
Որուն վըրայ փորձութիւնները Դիւին
Եւ Աստուծոյ համբերութիւնն կըսուեցան:

Ե

Արդ, այդ զոհերըդ կը նընջէն ընդերկար.
Վառ յիշատակ մ'անոնք մեզի ձըգեցին՝

Որ իրենց աեղ պաշտըւլով կ'ապրի յար,
 Քանզի կեանք կայ՝ որ մահ չունի բընաւին:
 Հիմայ չըկա՞ն անոնք, շատե՞ր ալ նաեւ՝
 Որոնց գըլխուն կեղեքումներդ թափեցիր.
 Ինծի կու դաս.— արգէն լանջքիս Ճիշտ ներքեւ՝
 Կը զգամ խորնալը թաթերուդ մահացիր:
 Խընդութեան հետ՝ կեանքըս ձեր մէջ կը բաժնէք.
 Ու էն մեծ մասն, ապմ՛, դու, դու կը խըլես.
 Ո՛չ, գոնէ մի լըմընցընէր այդ ամէնք,
 Որ ուրիշ ալ չըլլայ թ' ընես բաժին քեղ.

Արգէն կը զգամ. — կը խառնակին իմ աչքին՝
 Ներգաշնակուած կապն իրերուն մութ, և ջինջ.
 Սըրտիս վըրայ փըրատակնէր կը սըփոին.
 Կարծես ինութիւնն ինձ կը դառնայ ցուրտ Ոչինչ:

Իսկ դու ինձ չես ուզեր լըսել. ինչ, այնքան
 Արշալոյսին պիտ' չըսամ փոփու ժըպտին.
 Դեռաբուսիկ այս հասակիս ինդութեան
 Օրէնքին դէմ պիտ' մէզանչէմ տակաւին:
 Ե՞ր կը խըլես ապագայիս կայծը վառ՝
 Եւ բոցերու ճարա՛կ կ'ընես իմ ներկան:
 Ոնտառին մէջ չըմընաց երդ ինձ համար. —
 Ոմէն բան դէպ գերեզմաննէրը փախան:

Զ

Պիտի վայրկեա՞ն մը չապրէի քեզի հետ
 Հետ սիրաըս այս թաթերէդ գուրս կորզելով.
 Եւ իմ ձեռքով պիտ' ընէի կեանքս անհետ,
 Թէպէտեւ ես չըստեղծեցի իմ ձեռքով:

Պիտ' չապրէին — եթէ ինծի չըսէին
 Անոնք՝ որոնք ունին տարւոյ խորշոմնէր,
 Ու շատ գիտեն, և ձըգելով ետեւնին
 Արշալոյսնէր՝ կ'երթան վըհի մ'ալէհէր.
 — «Ճակախին վըրայ, ակօներուն մէջ վըշտին
 Կը ցանուի սերմն իտէալին սեպհական.
 Որ մ'այն հոգին՝ որ ցաւերով կը տուայտի,
 Պիտ' դառնայ վարդը Անհունին խընդութեան»: —



ՎԻՃԱԾԸ

Առանց շունչի վըտիտ սիրտ,
Առանց ժըպտի սեւ ծաղիկ,
Արիններու մէջ՝ խեղդած,
Կը ծընանի: — Զի լար. — է
Լուռ և տըձեւ. ուղիսէն ափ
Նետուած քուրզի մ'է նըման: —
Թըշուառ էակ, երբեք իր
Աչքին մէջ՝ բիբ, կուրծքին՝ իղձ
Զըթըթըթըռաց. կոյր յսսիս
Նըման եղաւ, զոր հոգիս
Իր վըհէն դուրս կը նետէ:
Դիակ մ'ըլլալուն համար սոսկ:

Ծընած մեռել. — ո՛հ, ի զուր
Մայրդ համբոյրով ըսպասեց
Շըրթունքներուդ վարդերուն. —
Անոնք թոռմած դուրս եկան.
Ի զուր հիւսեց երգերով

Շապիկը սուրբ կընունքիդ. —
 Ան քու պատանքըդ եղաւ:
 Ինչու, ըսէ, (Ծող քեզի
 Մօր մը ծարաւը սիրոյ
 Լեզու հանէ) մեր կեանքին
 Այսպէս ինչու փութացիր.
 Դեռ սաղմըդ լաւ չանցուցած
 իրեն սուրբ քաղցն ինսամսեայ
 Ծընող մարմնէն, արիւնէն,
 Ինչու համար, կոկն հունձք,
 Դէպ օրոցքի մ'ըշտապէն
 Գերեզմանի մէջ ինկարտ
 Քեզ ո՞ր ծաղիկը դիւթեց
 Դուրսը, հոս տեղ. և կամ ո՞ր
 Թիթեռնիկին ետեւէ
 Դու վազվզել ուղեցիր . . .

Զեր արգանդները մէյմէկ
 Գերեզմաններ պիտ' ըլլան: —
 Մինչդեռ կաթով մը վատուժ
 Ամսէ ամիս, շիթ առ շիթ,
 Կը լեցուին ձեր ըստինքներ.
 Մինչ անդիտակ կը ժըպակիք,
 Երազի մէջ, մանկական
 Սեւ աչքերու, շըրթներու
 (Խօսուն վարդեր) և անոնց
 Սոխակն յաղթով կակազին,
 Խորը, ձեր մէջ, — լուռ ոչիր —
 Սեւ Մահն էակ մը, անձայն,
 Զեր աղիքով կը խեղդէ: —

*
*
*

Ո՞վ տառապանք. — ձեզ համար
 (Բստէպ) ձեզի համար է
 Վիժումն, աղքատ Յըզիներ,
 Քաղցածութեան, տաժանքի
 Սայլին լըծուած Յըզիներ,
 Անօթութեան ժանիքէն
 Ցորչափ ձեր կուրծքը մաշի,
 Պիտ' չունենաք դուք արիւն
 Արեան համար, միս՝ մըսի.
 Ցորչափ ըլլաք հազար ծանր
 Աշխատութեան սահմանուած՝
 Սեռի բընազդն, առնական
 Համբոյրը ձեզ չարիք է.



ՄՈՒՐԱՑԻԿԸ

Միաչեայ է . անդամալցա՝ մէջքէն վար .
Դեղնութիւն մ'իր նիշար մարմինն է ծածկած
իր խօթ կեանքին աշնանը մէջ կ'ապրի յար ,
Մինչդեռ աչքին գարուն մըն ալ չէ ձբգած :

Մէգերու շող , հիւանդ ծաղինկ եղափերի ,
Մարդկութեան մէջ ըստուքը ձբգուած մեր ճակատին .
Միայնակ է . վըրայէն այս աշխարհի
Բան մը չառաւ , պիտի չըտայ բան մ' ալ սին :
Երգէոնիկ մ' է միայն՝ իր մեծ հարստութիւնն՝
Զոր , պատի մ'տակ , մօրն օրհասին նեղ ատեն՝
Անոր ձեռքէն քաշեց հանեց շըլմորուն ,
Ահաբեկած՝ անտէր կեանքին ապրուստէն :

Ո՞վ պիտի այդ դործիքն անոր զըլանար ,
Պակսած աչքին տեղ այդ երկրորդ աչքն հընչող՝
Զոր տըւաւ Տէրն , որպէս զի ան թափէ վար՝
Գոյ բրբին տակ ժողվուած արցունքը հընչող :

Այդ երգեռնիկը շատ հին է. գիտէ ան
Հիւանդ, տըխնեղծ սերունդներու պատմութիւնն.
Հին արցունքներ չորցած են վրան, որք եղան
Պահարաններն իր նըւաղած վըշտէրուն:

Բարախուն կուրծք մ'հոն կ'ընէ միշտ ելեւէջ
Ուրախ շեշտ մ'խսկ եկած չէ իր հեւքին քով.
Բուռ մը արցունք նետած է Տէրն անոր մէջ
Մակընթացման, տեղատուութեան ծըփանքով:

Փողոցին մէջ երգը կ'երթայ դարձդարձիկ,
Ճամբուն ծայրէն մինչեւ տունի մը ետեւ,
Չըմշնալով շատ հեղ անկէ կըտոր մ'խսկ՝
Գիրդ լանջերու մէկ ժանեակի մ'ալ ներքեւ:

Այդ երգեռնիկն իր մ' է որ մեզ կը խօսի
Բիւր ցաւի բիւր լեզու ժողված իր բերան.
Կը բանայ այն կեանքերուն քօղը մեզի
Որոնք մեր կոյր ոտքերուն տակ կը վըխտան.

Ահա. —

Վիչ մութ, զազրատեսիլ, ահուելի,
Ժըխոր զեռուն, իրարու վրայ, կարեսիլ,
Զերդ խըռնըւած պոլիսուններ քըստմնելի,
Տըժգյն գէմքեր, աղժգյն աչքեր, անդամներ.

Հառաչանքներ՝ հանդիպած պինդ սըրտէրու՝
Ինչպէս ծովուն թոյլ ծըփանքները ժայռին.
Ելլող սրունքներ՝ սառին վրայ մօտ հալելու,
Ինկող դանկեր՝ խորն ըստուերին ու դայռին.

Տապըլաըկող ուսեր՝ որոնք կը հըրեն
Մէրին դոց դուռն՝ որուն բըռնած ենք նիդեր.

Աւ գըրփուրներ՝ նետուած թիւրակն ալիքէն՝
Որք կը ցընդին մեր ոտքին տակ. — չե՛նք տեսներ:
Գողդով քայլեր՝ մերին քայլին ետեւէն՝
Ոլուն Ճամբան իրենց Ճամբայ է միայն.
Տըմցն այտեր՝ չըբոսրած արեւէն.
Իրաններ ցուրա՝ սարսուներու գերեզման.

Աչքեր որ լոկ, (Գըթածը մերթ մոռնալով),
Իրկունն, ձեռքին մեր կը սպասէն գողդզագին՝
Թէ պիտ' արգեօք արձանագրէնք գըթալով՝
«Վաղը » իրենց տեսրակին մէջ ապրուստին:

Օրոցքներ սոսկ շերմի համար խաւարչտին.
Առանց բոցի և համբոցի մը սէրեր,
Որոնք իրենց գեռ սաղմին մէջ կը մեռնին՝
Ինչպէս չելած գեռ կոկոնէն՝ ծաղիկներ.

Անդամներ գոս, պակաս դըրուած, և կամ ծուռ,
Յամբած սըրտեր՝ որոնք վախէն ժանտ Մահուան՝
Նոյն իսկ աղջմի մէջ կը պահեն թաքթաքուր՝
Մէկաւդ իրենց ներկային՝ կոյր ապագան.

Կուրծքեր՝ վէրքով և արիւնով պատարուն,
Հազիւ ծընած՝ փոշի դարձած երազներ,
Եւ արցունքներ հեւքով մ' ինկած քուրջերու.
Նըւաղումներ, կոծեր, դողեր, օրհաններ.

Ա՛ս այս ամէնն ոտքերին մեր վէր կ'ելլայ,
Եւ, վարանոտ ու գողդոջուն, Ճիշտ նըման
Քայլը գնողի մը անհաստատ Ճիւղի վրայ,
կը ծէծէ սնարը մեր նընջող Գըթութեան:

ՄԵՌԱԾԻՆ ՀԱՄԲՈՅՐ ՄԸ

Համբուրեցի: — Մըտերմութեամբ սիրայեղց,
Սիրտս անտեսեց նախ սարսուռն այդ գիտկին:
Կը զատուէր ան. հոգիս մեծ փերթ մը ուղեց
իրմէ յանձնել մահուան այդ սեւ թըռչանքին:
Այդ համբոյրն արդ կը ճամբորդէ ու կ'անցնէ
Գերեզմանին մէջէն, մէջէն սեւութեան.
Մեռած ճակտի մը վրայ սիրտ մ' է կենդանի.
Ծաղիկ' նետուած՝ ցուրտ մարմարին շիրմական:
Եւ կը գողայ փաթթւած այդ ճակտին վրայ:
Զինք մահուան այդ ճամբորդին՝ Աէրն է յանձներ.
Եւ Աէրն է խիստ խիստ զօրաւոր. ան կըրնայ
կայծը՝ մոխրին, ողլը՝ գիտկին միացնել:

Ո՛վ համբոյր, գու արցունք մ'էիր շըրթունքի.
Քեզ յըլացայ խոցուած սըրտի արիւնով,
Եւ դամբանի ջահին մրուրովը սուգի.
Քեզ սընյց կոծն ուռիներուն հողմախոռն

ԵՐԵ սերելի Մեռնողն հեռքոս իր հոգւոյն
Թռիչները, լուս, կը տարածէր դէպ երկին,
Մինչ իմիններս անոր դէմքին դեղնագոյն
Կ'ամփոփուելին՝ ծընա՛ր դու այն վայրկենին . . .

Ո՞վ սէրերուս ցայտումն անկեղծ և անանց,
Գիտես այլեւս ապրիլ նոյն իսկ կեանքէ՛ վերջ . . .
Մըսերմական անունի մ'հետ սերտ կապուած՝
Կը հոսեցնես քաղցր յիշատակ մ'հոգւոյս մէջ:

Ուրիշ հազար համբոյրներու մէջէն հին
Փու վըրագ սոսկ կը մըտածեմ ընդերկար:
Միւսներն հիմայ սըրտերու մէջ կը հանգչին,
Մինչ, անձնըւէր, դու լոկ դադաղ դըրուեցար:

ՅԱԻԵՐՃՈՒԹԵԱՆ ՍԵՍԻՆ



Գերեզման մ' էր, լեռան ոսքին, գետին մօտ.
Թափառական քայլերը զայն գըտան հոտ,
Երբ կ'երթայի երազուն,
Խրկուն, հագած արեւին հուսկ շողը լաւ
Սիրտը յանձնած ծաղիկներուն և միոքս ալ,
Փըթթելու մօտ ասազերուն։

Գերեզման մ' էր : — Խաչ մը անտաշ, քար մ' անխօս .
Քարն անանուն, և խաչըն ալ՝ անքրիստոս,
Հոն կը հըսկեն մենակեաց .
Մին զետեղուած է ձեռքերով մըտերիմ,
Եւ միւսն, երկու մասրի ճիւղեր, սեւ մազի մ'
Գիսակներովն հոն կապուած :

Այս է բոլորն . ու ասոր հետ բընութիւնն
Որ կ'օրօրէ այդ քունն իբրեւ մայր մ' անքուն:
Տերեւներու սօսակներ,
Գետին ողբանքն ու խոշոր բերք լուսնին
Մոռացութիւնն հոն կը սպաննեն . հոն երկնն
իր նայուածքներն է թափեր:

ի՞նչ լաւ է հոս . կարծես թէ դաշտն է՝ հըսկայ
Ուխտաւոր մ'այդ գերեզմանին , զի տեսայ

Անմոռուկներ ինքնաբայս՝

Զոր կապած է բնական ոլոռ մը՝ խաչին ,
Եւ համբուրող շըրթունքը բոց կակաչին
Փարին ծըռած սիրայոց:

Խոնարհեցայ , և հոգիս լի աղմուկով
Դաստարկեցի մեռածին լուռ մնարին քով . —

Գիւղի գիշեր մը երեկք

Ա՛յնքան լաւ չի ծըծեր զօղանջը զանգին՝
Ուքան ծըծեց մահուան այդ փոսը լըռին
Հոգւոյս ձիշերն յուսաբեկ:

Խոնարհեցայ , և կարծես ինձ հետ բոլոր
Բնութիւնը հոն խոնարհեցաւ , ահաւոր
Ըստուերին մէջ ծընրադիր .

Եւ միացաւ իրերուն սիրաը սըրտին՝
Խիզախօրէն ընկըզմելու համար զիս
Խորհուրդին մէջ սեւածիր:

Վար , վար . — Լըռէ , ձըպուռ սիւքէր , լըռեցէք:
Դադաղին խորը չի համնիր ձայնն երբէք .

Գերեզմանին քարին տակ

Սայր-լըռութիւնն է բանտարկուած : — Վար , վար , վար .
Վիճ , մութին պէս անյատակ :

Կը խարխափին մըտքիս թեւերն . ուր է , ուր
Վախճանողին դացած համբան . ոչ . ի զուր

Կը փընտըռեմ հոն , իմ շուրջ ,

Անոր անունն ի՞նչ է , կամ ի՞նչ է անունն
Անդըշիրմի Եղածին , ուր է Անհունն ,

Ուր է Խորհուրդն : — Աղջամուղջ :

Ա՛յ , դու ով ես , ով անծանօթ վախճանած ,

Ի՞նչ սըդաւոր քեզ կը բերէ ուխտ կամ լաց
Ո՞վ , ով ես դու՝ որ ըրիր

Շերեմըդ գուռ , քեզ դըռնասպան դադտնիքին .

Ո՞ւր կեանք առիր , և կամ ո՞ր շողն , ո՞ր երկինն
Այսդ ու շըրթունքդ երկինց հիր :

Ուղմիկ մ'եղար՝ որ սիրոււոյն ծունկին վրայ ,

Ուր ժանտ Մահն իսկ իւննթ սիրահար կը դառնայ՝
Կը սպաննըւի անդարման .

Թէ դու հիւծախտ տըրպայ մ' էիր , հէգ գեղջուկ ,

Ուր հըրդեհուած իրենց գիւղէն՝ խուսափուկ՝
Կը մեռնի հոս , կէս ձամբան :

Վըհուկ ծեր մ'ես՝ թաղուած երգով մը թովչոտ ,

Եւ ողբացուած՝ ժամերու մէջ անծանօթ՝
Իրեն վըհուկ կընոջմէն :

Կեանքի բաժակդ՝ որ ալ դաստարկ կը հըսկէ
Գըլիսուդ վերեւ , քանի՞ շիթով լեցուեր է
Տարիքն համրող արցունքին :

Խօսէ , ով ես . — սակայն ով որ ալ ըլլաս

Թող ես շիրեմդ համբուրեւ , քանզի այս
Մէր կեանք — զոհին բագինն է .

Քանզի քեզ ալ չեն աղարտեր մէր օրեր՝
Ուր ապրոն , ոչ , մեռնողին չափ չի գիտեր ,

Ուր մարդուս չափ վիշտն հին է ,
Ուր մէր գըլքին երկրորդ էջերն են ձերմակ ,

Եւ գիտութեան ծառին արմատն հողին ասկ
Դեռ միշտ թաղուած է անցայտ :

Դու բարի ես՝ ինչպէս սուրբ զոհն Աբելին ,
Ջի մահուան սեւ համբոյրին տակ կը փոխուին

Ամէն շանթեր՝ ձառագայթ :

Եւ դու սուրբ ես՝ ժըպիտին պէս բընութեան.

Արշալյում եր ցողը ձերմակ քարիդ վրան

Ամէն առառու կը թափէ,

Զերթ արցունքներն՝ որոնք լըռիկ կը կաթին

Գըրած սիրոյ նամակին վրայ նոր-հարսին՝

Որուն փեսան զինուոր է:

Դու գիտուն ես. — մըտածումն ալ գանկիդ տակ
Ճողոպրած է ուղեղէն փուտ ու ցամաք.

Երակներուդ մէջ հիմայ

Արինի տեղ ճառագայթներ կը սահին,

Եւ վերնագիրն հին գիտութեանըդ գըրեին
Արդ գոխեց ձեռք մը հըսկայ:

Քու ճակատդ ին կը շցէ, մերը խաւար. —

Մէր գիշերն է հոտ միջօրէ քեղ համար,

Անշըրջելի հակոտնեայ:

Մէնք օրոցքին մէջ ըստինքին մայրէնի

Սիրա կը լեցնենք, իսկ դու հոգիդ հոլանի

Գերեզմանին մէջ անդայ.

Եւ կ'ըլլայ հոտ մեր մայրն՝ Աստուած, կաթը՝ լցու,

Թողլըքելով Տարակյուն ալ շիրմէդ դուրս

Աշխարհիս հետ միասին:

Ով սուրբ մեռնող, ոչ, մինչեւ Երբ շըլմորած

Պիտ ճանկըռումնէք ահաւոր ամապը՝ առանց

Զայն շերտելու բընաւին:

Խորհուրդին գէմ մենք մինչեւ Երբ, ծընրագիր,

Առկայծ յուսով պիտի գոչենք. — « Լոյս, իջեր... »

Պատոէ, պատոէ, ով մըթութիւն, լըռութիւն.

Կարծիք, պատոէ, պատոէ ով մէգ, անվերջ քուն,

Անդունքներէն մեզի նայող, ով մէծ աշք՝

Որ չունիս քու բերբդ, ով բեր, քու նայուածք:

Մէնք հերարձակ քեղի կ'նայինք. ծառերուն,

Աստըզներուն, ալիքներուն, ժայռերուն

Մէջէ քեղի, քեղի կ'նայինք. — մերկացիր:

Դու — որուն քողն է ապագան — մերկացիր:

Ո՛վ ներքին կողմը գամբանի քարերուն,

Ո՛վ միգամած, ահեղ գիսաստըզ՝ որուն

Գլուխն է պահուած ամնի մը տակ յաւիտեան.

Ուրեմն մէնք մեր ուղեղներն ընդունայն

Պիտի ճըզմնէք սաքերուդ վրայ պըզնձեայ,

Եւ ընդունայն պիտի նետենք անխընայ

Մոայլ գիշերուան մէջ մեր սըրտերն՝ որ կ'երթան

Քեղի համար մըրբիներուն բըռնութեան

Գէմ գալարիլ, որ՝ մոլորած խաւարին

Մէջ ժայռերուն գէմ ճըզելով կը բախին.

Եւ բուերէն քըշուած, քըշուած լըքումնէն,

Խորը, ձորին մէջ կ'ընկըզմին, կ'որոնեն,

Անկէ մեղի գուրս բերելով, ալ յոդնած,

Հէգ կայծոռիկ մ'աւաղ, արեւ համարուած:

Ո՛չ, մինչեւ Երբ ըստինքային ճակատով,

Դու, ով խորհուրդ, պիտի ծաղրես անվըրդով

Առջեւդ մեռած մեր խոհն, արծիւ-ողջակէզ.

Ըսէ, խօսէ, պիտի մինչեւ Երբ լըռես »:

Մինչեւ Երբ ան պիտի լըռէ: — Ո՛վ շիրիմ,

Ճակատս ահա քարիդ գըրած կ'ընկըզմիմ

Ալոթքիս մէջ: — կը յուսամ:

Գանկիս ներքեւ կրակի ալուի ամէն բան.

Հոն հըրդեհ կայ. մըտածումներըս կու գան

Գեղի՛ կու գան հրավարսամ:

Օն, սըրբագրէ, կամ աւելցուր, կամ ջընջէ:

Ճերմակ քարիդ ճակակիս անցածը ի՞նչ է.

— Խոր լըռութիւն, այլ ոչ բառ: —

Լաւ, կը հանեմ շուրջիդ բոյսերն արմատէն.
Սըրտիդ, գանկիդ մէջ անոնք ի՞նչ կը ծըծէն.
— Մարմին, այլ ոչ գաղափար: —

Լաւ, վըրայէդ կը թաւալեմ քարն անդին,
Ըսպիտակ էջ, որուն միւս կողմն է գըրուած
Անպատճառ բան մը Մահէն.
Անոր ներքեւ գաղոնիք մ'անշուշա կը շընչէ.
Սիրտ թէ հոգի՞: — օն, ըսէ ինձ թէ ի՞նչ է.
— Երկու կարիք, այլ ոչ էն: —

Արդ, այս հուժկու թեւերովս ես կը բըրեմ
Հողն, և աչքերս սյդ գերեզմանըդ նըսեմ
Ուղահայեաց կը չափեն:
Ով խորութիւն, մութին ծոցէն ի՞նչ լուսին
Պիտի պոռթիկայ, ի՞նչ հուր-բառեր պիտ՝ ժայթքին
Յաւերժութեան շըրթոնքէն:
— Լըռութիւն. — տէս. —

Հողերուն հետ դուրս կու գան
Փուտ ոսկրոտիքը, մընացորդ մարդկութեան,
Որով վանդակ մ'յօրինեց ձեռքը կեանքին
Հոդի կոչուած մեղ անծանօթ փիւնիկին:
Ահա կողերը մերկացած զերթ ձանկեր,
Ահա կըրծոսկը՝ որուն գէմ կը բախէր
Իղձն իր ձականն երակացին զարկերով
Իբրեւ հեղիկ ալեակին մէջ ուռչող հով.
Ահա թեւերն և ուլն անջատ ու լըքուած՝
Որոնք երեմըն, ով գիտէ, սիդապանծ
Կ'յօխորտային. « կը ծունք, բընաւ չենք ծըսիր » ...
Լիսեոն հետ ահա սրունեներն անցարիք
Որք կարծեցին թէ ժայռն իրենց ներքեւ յար

Պիտի թընդայ՝ քանի որ գեռ բոցավառ,
Արեւն արիւնը կը շարժէր. և աչա
Զորցած կըզակն, աչա ծընօան՝ որոնց վրայ
կը ծաղրէին այտերը վարդն՝ երբոր ան
կը դառնար հէդ իբր հեւծախտ սիրտ մը, աշնան.
Եւ աչա գանկին, ոսկրեղէն թաս՝ ուրկէ յար
Մարդ կը իւրեր մտածման գինին կենսարար.
Արդ ուղեղի տեղ հողով է լեցուած ան՝
Որուն վըրայ չար խորհուրդի մը նըման՝
Որոր սպառկած օձ մը գլուխն իւր կը տընկէ,
Եւ սարսավին հոն սարսափողէ միշտ զուրկ է: —
Ա՛ւ ոչ կեանք կայ, ոչ յոյս, ոչ սէր և ոչ քէն,
իր որդնակեր, գու ջըղերուն վըրայէն
Բջդացումն ալ փախաւ, նըման զեփիւռին
Որ կը սահի տերեւներէն, ողբադին:
Փոշէ՛, աճիւն, խառնուրդ մըռայլ, վիթիարի,
Փըսորներու, մոխիրներու, որդերու
Ո՛վ կոյր անդունդ, ալիքին տակ վարդերու: —

. . . Կ'իջնան, Կ'իջնան: — Ժամանակին ափը, հոս,
Գերեզմանին ափին ծըռած է. — Քառս. —
Ահա Ադամն, Ներոնն ահա, և Վարդան,
Սոլլաստն է այս, Բարաբրան է, ես, դու, ան.
Այս ծածկըւած կողերն իմին կողերս են.
Իմ աչքերս՝ իմ ոսկրոտիքս հոս կը գիտեն: —
Մարդը Կ'իյնայ. — ուր. — ահեղ գոգն ովկեանին
Եւ ալիքներն անոր վըրայ Կ'համբուրուին,
Հոն ֆըռելով ձերմակ վըրփուր մը անվերջ.
Եւ Կ'իյնայ. — ուր. — Երկրիս խորունկ կլափին մէջ
Ու վրան զիրար կու գան գըրկել սեւ հողեր՝
Հոն թողելով ըսպիտակ քար մը, հրաւէր
Մընբագրութեան:

Ժամանակն է խարբալ մ'հին,
 Ժողովուրդներն աւազ՝ որ միշտ կը մաղուին:
 Որոտընդոստ ձայն մ'որուն ամփն է շըրթունք՝
 կը մըուընչէ. — « Անդունդին. զիւր է արցունք» —
 Եւ թըխաշուրթ խորխորատին մէջ մըթին.
 կու գան դիակներ իրարու վրայ կը դիզուին.
 Պապն հօր ներքեւ, ու զաւակին ներքեւ հայր.
 Եւ հոն համբոյրն ալ համբոյրէն չի տաքնար.
 Եւ մօր ըստինքն որդույն սառած բերնին վրայ
 կը քայլայուի. էեանքն իր ակէն կը չորնայ:
 Այսուձին մեծ յաղթանակէն իր գինով
 Երբ կը կըարէր մեծ ձոր մը մէկ ոստումով
 Մահուան փոմն այս՝ լայն կը գըանէ իր չափէն:
 Ո՛վ արհաւիրք. երբ պատերազմն իր թափէն
 Ա՛լ կը դադրի, իր զայրոյթէն փառքն անշէջ,
 Եւ թագաւորն իր կընճիթն ալ վէրքի մէջ
 Մըկարձէլէն, կը բերէ դաշտը վարդայն
 Որուն սերմն է դիակ, տարափը՝ արիւն,
 կը բերէ հոն, հոս պարագել իր մարմիններ,
 Հոս լըհացնել իր խօլահոս արիւններ.
 Մահաբեմերն (ուր միշտ պատրաստ Սատանին
 Մորթին վըրայ դահակներն յար կը սըրուին)
 կը պարագին հոն, հոս քաղաքին համբաներ.
 Հոն հիւանդի անկողիններն մահաստուեր՝
 Որոնց մէջ հէտ հոգին, ջերմի ցընորքէն՝
 կը համարի թէ վարն դադաղ կը շինեն.
 Հոն կը նետէ իր գահն արքան մոլեգին,
 Հոն կը նետէ լեռնամէջն իր բորենին,
 Հոն բիւզանդիոնն ու Հոռվին ամէն սօս կեսար. —
 Հոն յաղթ արծիւն իր փետուրներ շանթահար:
 Այս է աշխարհս, ով Զօրեղներ: —

Դար դարէ

— 78 —

կը թաւալի մըզուած ուրիշ գարերէ.
 Եւ հազիւ դոլ մ'Յաւերժութիւնը կը զդայ՝
 իբրև նեսոուեր քար մ'ովկեանի մը վըրայ.
 կը պարպըւին վարն անթիւ սեւ դադաղներ,
 Մըժեղներու հըսկայ երամ, տարուբեր,
 Անվերադարձ կը կորսըւին ձորին մէջ.
 Ահա սիրտ մ'ալ չի բարախէր, անկէ վերջ
 Ուրիշ մըն ալ, ուրիշ մըն ալ, զոհ, զոհ, զոհ,
 Ժամը ժամին, ըոտէ ըոտէ: Եթէ, ոհ,
 Մէկսել բերուին ստաւորներուն արցունքներ,
 Ո՛վ Երկնք, քու ցասման շանթերդ մահաբեր
 Գեռ չէ՞ն մարեր: Եւ կը վիժին մարդիկներ
 Գիշերուան մէջ երբ հազիւ հազ է սառեր
 Իրենց քաղցրիկ օրոցքներուն սաքութիւնն,
 Երբ որ աւազ գեռ չէ սեւցած՝ մատերնուն
 Ամուսնական սուրբ մատանին. և կ'իյնան
 Մեռած, երբ գեռ մեղմալուսինն ըղձական
 Իրեն մահիկ վիճակին մէջ կը շոզայ,
 Կամ երբ, տարեց, գեռ գիտութեան պըզնաձեայ
 Բերանն հազիւ հազ բանալու տագնապին
 Մէջ կը դողն իրեն մատեր . . . կը սառին:
 Ցաւի, ողբի, Ճիչերու մէջ, գէպ ի վար
 կը սայթաքին. հէտ թըլուզուններ նետահար,
 Որ չէք գիտեր հարուածն ուրկէ եկաւ ձեզ,
 կը սարսըւաք, կը թաւալիք աղէկէզ,
 Եւ թըլուինիդ ամփոփելով, շըւարած,
 Գլուխնիդ կըծկած թեւերնուդ տակ, լուռ, սառած,
 Ջէր երգերուն արձագանգին մէջ, աւազ,
 Կ'անշընչանաք: Մութը կ'իջնէ միապաղազ,
 Արտասուաթոր պատանկին մէջ, հովին տակ,
 Արշալոյսի մ'ըսպասէլով կը քնանաք . . .


— 79 —

Կու դայ Քրիստոս, կը մօտենայ ձեր շիրմին,
Եւ վէրքին մէջ մըխելով մատն երկնային,
Զերին Ճերմակ քարին վըրայ, անայլայլ,
Արին գըրով մ'ան կը գըրէ.

— ՀԱՅԴԵՐՁԵԱԼԻ

*

Ամպի մը տակ լուսինն յանկարծ կը մարի,
Կը լըռէ հովիս, ամէն աստղեր մի առ մի
Ասուզ կ'ըլլան, կ'ըլլան վարդերն ալ՝ վէրքեր։ —
Ով անանուն շիրիմ, դու որ անտարբեր,
Ու երազկոս կը նայիս գէպ ի երկին
Մարդիկ այս օր, ո՛չ, գիր առ գիր լիզեցեն
Ա.Մ բառը քու քարիդ վրայէ սըրբազնն,
Ահա ինչո՞ւ թէ Ճերմակ է մնացած ան։ —



Ըստուերին մէջ, խանի մ'անկիւնը լըքուած
Թըշուառ պանդուխտ, հիւանդ է.
Խոնաւութիւնն անոր մարմինը շիթ շիթ
Գերեզմանին կը նետէ:

Բըժիշկ չունի. եղած գըրամն ալ հատաւ,
Յաւը ծանր է. — գըթութիւն:
Հոն չըկայ սիրտ մ'որ բարութիւնը քամէ
Անոր ծարաւ շըրթներուն:

Եւ ինքն իրեն մըտերիմներ կը սաեղձէ
Ցընորքներուն մէջ ջերմին.
Իր վիճակին կարեկցող մէկը չունի
Բաց ի մամուկը որմին:
Մըթընշաղին մէջ կը մարմրի, կը հիւծի
Մըթընշաղի մը նըման.
Լըռութիւնն հան կարծես գագաղ մը կ'երկնէ. —
Օրոցք՝ տունէն գերեզման:

Երիտասարդ է տակաւին, և փեսայ.

Պոլսէն մինչեւ Վան հեռու,
Հոն՝ հաց կ'ուզեն հարսն ու ծընողք, զի՞նք կ'ուզեն.
Դեռ շատ շուտ է մեռնելու:

Ան իր արիւն իր քըրտինքով կը շահէր . . .

Տէր, ի՞նչ սըրառվ կը կոտրես
Թէւն՝ որուն վրայ կը կըռթընին մանուկներ
Եւ ծընողներ ձիւնադէս:

Դուրսն արեւին, զեփիւռին տակ կ'ուռձանան
Բախստաւորներն աննիադ.

Արտին մէջ աստղն աւշի ելքին կը ժպտի.
Տէր, զի՞նքն ինչո՞ւ կը մոռնաս:

Այդ բազուկներն աշխատանքի համար Էն՝
Ո՛չ մահուան գէմ կըռռւելու: —

Բախտը խուցին մէկ անկիւնէն կը խընդայ
Օձի ժըպտով մ'ահարկու:

Պիտի մեռնի. — խիստ մահացու հիւանդաւ.
Եւ պատանքին մէջ երբեք

Պիտի չտանի սիրելիի մ'արցունքներն
Ու սեւ ուխտերն յուսաբեկ:

Պիտի մեռնի. — և իր բընիկ լուսնին տակ,
Հարսը սիրոյ ծարաւով՝

Պիտի զուր տեղ անոր դալուն ըսպասէ . . .
Խեղճ վանուչի, ապահով

Յոյսի ամէն խոստումներու վայելքին՝
Կը ծիծաղիս աստղին հետ.

Մինչդեռ կեանքի երկընքին վրայ կը դժուե
Շանթը շողին զուգահետ:

Որո՞ւն համար շուշանն ու վարդ փոխ կու տան
Իրենց միացումն՝ այտերուդ.

Ինչո՞ւ Վանայ լիձն աստղելով կը վառի
Նախանձելով աչքերուդ.

Որո՞ւն համար հաջապիդ տակ կը պահես
Ըմբռստանքներն համբոյրին . . .
Վաղն, հէկ ծաղիկ, պիտի Ճամբորդ մը գուժէ.
— « Մէկ աչքը բաց թաղեցին »: —



ԱԻԱԶԱՆԻՆ ԶՈՒԿԵՐՈՒՆ

Աըտածողի մը նըման
Զուրին միջեւ կը շըրջեք;
Ալ գըծուած է ձեր սահման,
Ով լողակներ խատուտիկ;

Հոս պիտի ալ չըդըտնաք
Անհուն, կապոյտ այն աշխարհ,
Որուն յորձանկն ու վըտանգ
Կը կըտէեք հետնաբար;

Զերին ճարպիկ թեւերով
Ազատութիւն, զուարթութիւն
Կը գըրկեեք անվըրդով,
Անդէտ նենգող խայծերուն . . .

Արհեստն արդ ձեզ կը պատէ, —
Աւազան մ'հին ձեզի նեղ,
Շատըրուան մ'ալ կրանիտէ,
Եւ փոքրիկ ժայռ մը մէջտեղ՝

Որ գործ մըն է ձեռքերու։ —
Այս է ահա ձեր աշխարհ։
Ամբողջ այս է, ով ազու
Բանտարկեալները թըշուառ։

Երբ կը կայտուէք ջուրին վրայ՝
Կը զուարձանայ անիւրուլ
Անձնասէր մարդն՝ արծաթեայ
Պըզպըջակներն դիտելով։

Ո՛հ, ի բընէ չար է ան.
Իր հաճոյքին՝ իր փառքին
Կ'ուզէ զոհել ամէն բան.
Բըռնաւորն է աշխարհքին։ —

. . . Այս սեւ ժայռին խոռոչներ
Զեր շիրիմներ պիտ՝ ըլլան,
Ուր կ'երկարին բողբոջներ
Բաղեղներու ցիրուցան։

Ուր ջրբերուն թըրթըռմունք
Կու դան բախիլ մեղմօրէն,
Յընցըզկելով արտասուք՝
Ողբ ու հանգիստ կ'եղերգեն։

Ո՛վ իմ գըժբախտ անմեղներ,
Ճեշտ նըման է աշխարհս ալ
Զեր այդ տեղին; Դէպ ի վեր
Կը ջանայ միտքս իմ ելլալ.


Կ'ուզէ ուրիշ մէկ աշխարհ
Ան գըսնէլու, ուր անհուն
Ազատութիւնն իշխէ յար՝
Եւ անիսարդախ բարութիւն։

Սակայն ի զուր։ Լոկ բանտող
Գըծուծ նիւթեր կան չորս դիմ՝
Որ թըռիչներս աղամող
Կը ջախջախեն և հոգիս։

Առկայծ յոյսով մ'ուր կ'երթամ. —
Կ'երթամ նյն տեղս դացած. —
Հոս, կեանկն ու սեւ գերեզման
Իրարու ձեռք են տըւած։

Որ մը ձեզի պէս ես ալ
Պիտի իյնամ, ցուրտ, անշունչ,
Մոռացնքի մէջ մըսայլ.
Հոս ամէն բան է անուրջ։

Պիտ՝ լոռ ըլլաք դուք, ես հող.
Բայց ինձմէն էք երջանիկ,
Զի վըրանիդ միշտ լացող
Գէթ շատըրուան մը ունիք։



ԱՐԻՒՆՈՏ ՃԻՒՆԸ

— « Հոն , ի՞նչ է ան՝ որ շուրթին վրայ ջըրերուն
ինկած կու գայ , օրօրտկումով մը կու գայ .
Մըխըրճելով մերթ ծըփանքին մէջ գնայուն՝
կարծես բոցերն իր կը մարէ ճակտին վրայ
վառուած կարմիր արեւմուտէն . . .

« Այսպէս հեւքոտ , դանդաղօրէն ,
Ո՛վ մեծ գետին ջուրերն , արգեօք ձեր շըրթունք
ի՞նչ կը բերեն՝ որք լեռներու ապալեր
ֆըղանցքներուն միշտ սըփոելով արտասուք՝
կարծես ցաւէ մ՝ կը խածիւըծեն եզերքներ :

Ո՛չ , լըռութիւն . — ձեր լեզուէն չեմ հասկընար .
Մի մըրմընջէք ինծի բաներ հոգէյցազ ,
Այլ , կըրկնակի վազքով , հասէք սըրավար՝
Նըման իմ կոյս կարօտակէզ օրերուս՝
Որոնք անձայն կ'անցնին կ'երթան . . .

« . . . կանաչ ճիւղ մ'է ուղեւորն այն՝
Որ կը ծըգայ անդաստական, մոլորուն,
Ցըցուած մէջանեղ փըրփուրներուն ըսպիտակ,
Ինչպէս լանջքիս վրայ կը ճօճի սուր դաշոյնն,
Որ բաժանումը մըինեց խոր, դըժընդակ: —

« Ո՛կ արմաւի թափառական ճիւղն, ըսէ,
Մէջն ալէշյոզ ճամբորդութեանդ բ'նէ տէսար.
Կամ թէ սըրտիս՝ որ միշտ յօյսէն կը խուսէ,
Եւ պաշտումի մը բացական կու լայ յար,
Արդեօք դու բ'նէ լուր կը բէրես . . .

« Մարտի փառքին աւետինն ես,
Մարտին՝ որ միշտ գաշտերէ գաշտ, լեռնէ լեռ
Կատղած կ'ոռնայ՝ ինչպէս որուն երկնի վրան.
Հորիզոնին, ուր հազիւ իմ՝ նայուածքներ
Կը թափառին, ան կը ձըդէ քող մ'արեան:

« Քաջամարտիկը արդեօք բ'նչպէս կ'ընէ
Բնապառնանքին մէջ սուրերու փայլակին,
Կամ վրիժառու նիզակներէ, տէգերէ
Եւ լախտերէ ձեւակերպուած՝ մահածին
Անտառներուն դէմ յանդիման . . .

« . . . Ո՛հ, ինչ մոտածում է այս դաժան. —
Ըրբն այնպէս, որ իր վեհ կուրծքն ինձ համար
Այլեւս երբեք ըլքաբախէ, ըլյուսայ,
Որուն վըրայ հանդիսու կ'առնէր գըլուխո յար.
Լոկ այտերուս տակ ապրած էր անիկայ:

« Թէ, իր ձեռքե՞ն կու դաս, բանբեր ալէխուռվ.
Ի՞նչ, պարզեցին սահմանէն ներս թըշնամւոյն
Դրօշակը սուրբ՝ զոր շինեցի իմ ձեռքով.

Կամ յաղթութեան ըրին հանդէսը ցընծուն.
Խըմեց ան իր և իմ կենաց:

« Ան պաշտպանեց՝ ըսպաննըւած
Ծընողքներու հէդ մանուկներն անտէրուն,
Կամ գիւցազներ՝ ինկած միայն սեւ բախտէն.
Անոնց աչքին, թուրին փայլով թաթաւուչ,
Իր գըթութեան փայլն ալ ցուցուց վեհօրէն: —

« Եթէ իր խրոխս կորդակին հետ միասին
Ցոխորսացիք, կամ պըճնեցիք յաղթական
Լանջապանակն. Եթէ խիզախ ճակատին
Դու ծըփացիր, եկուր, եկուր սըրտիս վրան
Աճեցընեմ համբյորով քեզ »: —

Ըստւ: — Եւ բոց արեւուն պէս,
Որ մէրթ կ'իջնէ ալիքներուն ծովին լուրթ
Կցյան հակեցաւ, մեղմիկ, ջուրին վրայ պայծառ,
(Անդրադարձած թովիք գէմքին իր՝ անփոյթ)
Եւ վեր հանեց խուսափուկ ճիւղը դալար:

Ու վեհերուտ, ինչպէս եղնիկ մը սիրուն,
Սուր ճիշով մ'ետ լնկըրկեցաւ ան յանկարծ.
Մէկդի նետեց ձեռքերէն ճիւղը՝ որուն
Յից ծայրին վրայ, աւազ, էին չորացած
Կարմիր արեան մը նետուածքներ . . .

Անոր համար գետը բօթբեր
Լըռեց կարծես, ըլքըպտեցաւ արեգակ.
Խաշնահաւն ալ չերգեց երդն իր խընդութեան.
Կարծես գըրին կարմիր դագաղ մ'աչքին տակ. —
Ցատակը՝ տէդ, և կափարիչը՝ վահան: . . .

ԶՈՐՍ ՏԱՐԵԿԱՆԻ ՄԸ ՆԱՄԱԿԸ

Այս նամակն իմ եղբայրս է գրեր. քաղցր էակ՝
Որ փոքր է գեռ. Են իր համար քող չունի,
իր առջեւ գեռ մեծ դազանիքն է անդիմակ.
Երանութեան ամէն երկինք՝ հոլանի՛:

Մերժ վարդերու, թըռչուններու անուրջէ
Ոդիներուն հետ կը խօսի անարդել.
Փռքրիկ ձեռքով թիթեռնիկներ կը կանչէ.
Կ'ուզէ աստղերն երկնի դաշտէն հաւաքել:

Երկամեայ էր՝ երբ զատուեցանք աշխարալի.
Մեկնումին զիս գիտեց ապշած ու երկայն,
Թէ ինքը էր կ'երթար, ևս էր կը մնայի,
Եւ, ոչ, լացաւ. մարդն էր՝ շնորհքին տակ մանկան:

Արդ կը գըրէ: Այդ նամակն ես կ'ըմբըռնեմ.
Զայն կ'հասկընայ իմ սիրառս լոկ յուսաթափ,
իբրեւ թէ այդ գիրն անծանօթ ու նըսեմ՝
Մենք նոյն ատեն գըմնէինք, նոյն ըզդացմամբ:

Հորիզոն մ'հարկ է որ, ինքն ալ սպաղ ազօտ,
Զայն տայ նընջող արշալցոյին. Ե՛լ, ժամն է, . . .
Զեփեւո մ'որ թոյլ հունաին հըծծէ. Ցուր ծըզօտ:
Մայր մ'որ արզուն ըսէ. Քալէ . . . Հայր մ'որ՝ Գրէ:—

. . . Եւ սա թուղթին մանուկ մ'հակեր է քընքուշ,
Մանկան վրայ հայր մը՝ ժըպտելով պէսին տակ. —
Այսպէս կ'իջնէ արշալցոյին ամու մ'անուշ,
Արշալցոյն ալ ձիւնոտ դաշտին ըսպիսակ:

Ու գըրեր է: Տարօրինակ նըշաններ,
Գիծէր՝ որք ինձ թըւին երազ բեկըեկուն,
Ժըպիտներով ցանուած քըսուած մելաններ,
Բիծէր՝ գըրուած մանկան թափով մը նըկուն:

Սա մինարէ մըն է գեռ կէս մընացած՝
Ուր չ'ամփոփուիր հոդւց մ'ազօթքը համակ.
Հոն ծուռումուռ խաչափայտ մ'է զէտեզուած՝
Ուր կը գամուի խեղանդամ մարդ մը մինակ:

Հոս տեղ թըւաչուն մ'ուրուագըծուած է, լընէկ,
Որուն երգերն իր շըրթունքներն են գողցեր.
Անդին կայ յօնք մ'առանց աչքի, թափառիկ,
Խսկ ասդին աչք մ'առանց յօնքի, մերկ, անտէր:



Սա կիսկատար գըրեէթ մըն է — ձիւնի վրայ —
Որ կը սքօղի ամպի մը տակ մելանէ.
Վերջապէս հոն գոց կոկոն մ'է անիկայ՝
Որ, վարն, անոր ըասորագիրն կը դընէ:

Եւ ես ճառանչ մը ասոնց մէջ կը գըանեմ.
Պատկերական գըրութիւն մ'է՝ մենք որով
Կըրնանք կարդալ խորհուրդ-մանուկը վըսէմ՝
Մէր մութ երկնին ասաղ մ'օրէ օր գընելով:

Պիտ՝ տարիներ կազմեն ամէն գաղափար՝
Երազը իոնկ յօրինելով օրէ օր.
Մանուկը մարդ պիտի ըլլայ, գիծը՝ բառ,
Տըրուելով կրօնն՝ մարդուն, բառին ունաւոր:

Ան՝ այժմեան այդ գաղափարներն մի քանի
Ժողվեց երկրէս (թէ երկընքէն չի բերեր).
Ժողվեց իր մօր գըրեէն — գըպրոց կենդանի —
Գըդուող սիւքէն, ծաղիկներէն տարուբեր:

Սոխակն ուսոյց երգել, լալ՝ փուշը վարդին.
Ամփոփ թառած տարօրին ըսաւ. Կը նիրհեն:
Բարձին ծաթող լուսնակն ըսաւ. Կը ժըպտին:
Իր քունն հըսկող մայրն ալ ըսաւ. Կը սիրեն:



ԱՆԴԱՐԱԾ



Սեւ ագռաւի մը ետեւէն, զառ ի վար,
Արբշիո հոդւով մ'ան կը վազէր ուժորէն.
Հեշտանկքի երդ մ'իր շըրթունքին կը թըրթուալ՝
Որ կը թովէ գաղտադողի քեզ իրեն:

Անոր լսի. — « Հոն, աղաւնին տեսա՞ր ան՝
Որ ագռաւին ներհակ թովչքով կը սուրհար.
Սուրբ աղաւնին Անբըծութեան, Գիտութեան
Ու երկնային Միջոցներուն լուսատարը »:

Ուղղեց այնպէս հեկնող ժըպիտ մը ինձի՝
Որ 'սել կ'ուզէր. — «Կատակ կ'ընես»: — Եւ գարձաւ:
Ու կը վազէր, երբոր նորէն գոչեցի
Ետեւէն իր խօլ վայրէջքին ոըրարշաւ.

— « Տեսա՞ր ծաղիկն՝ որ հակառակ վազքիդ՝ ան
Քեզ հակառակ կ'անցնէր կ'երթար, շըրթոռմիլ.
Ծաղիկն Յոյսի, ձըշմարտութեան, Հեղութեան,
Որ է փըթթուն Արշալոյսին փըթթուն ծիլն »:

Ան յուսահաս փոյթով մ' չեծեց դառնօրէն.
— « Տեսայ . . . Ուշ է: Ո՛հ, ոտքերուս բուռըն էջ
կեցընէլ ա՛լ դըժուար է այս դարլարէն »: —
Եւ դահլիճէց, զերդ կոյր, կեանքին ձամբուն մէջ:



Պառկած էի . խոր լըռութիւն . գիշեր էր . . .

Ճըրագու իւղէ պատերն արիւն կը ներկէր ,

Ծանրացաւ մրափ մ'աչքերուս .

Մըսածումնէրը երազի մէջ սուզան ,

Եւ բիբերէս ամէն ճաճանչ լուսական

Կոպերուս վրայ տըւին խոյս :

Սէւ դէմքի մ'հետ ձեռք մը տեսայ մահճիս քով . —

Կուրծքիս գըրաւ մատերը բոց եղունգով ,

Աընդիկի պէս խորամուխ :

Փայտ կըտրեցաւ լեզուս . վախցայ չէկ աչքէն :

Ես ճանչցայ զայն . — սատաններուն ամենէն

Կատաղին էր և էն թուխ :

Բացաւ բերանն որուն մէջ լինդ միայն կար .

Իր ակռանները խորտակուած էին վար

Իյնալու օրն երկընքէն . . .

Բաս . — «Սըրաէդ , սըրաէդ քաշել ես եկայ

ԶԱՅՆ՝ որուն տեղն իմ տեղըս պէտք է ըլլայ .

Տուր , ինծի տուր սէրդ իրեն » :

Անկողնիս մէջ թալթըլեցայ, ու երկու
Զեռքով՝ սարսառուն բըռնեցի թեւն ահարկու՝
Ինծմէ անդին մըղելով:
Մաքառեցայ Անոր համար, անկրօններ.
Խածեցի ձեռքն՝ որ զինքն ինծմէ կ'անջատեր.
Իր սոսիին արիւնով

Ներկեցի շուրթս, և անցուցի ծարաւս հուր:
Դեւն երեսիս կատղած պոռաց. — « Տեղի տուր՝
Թէ չէ ըզքեղ կը խեղեմ.
Թոքերուդ տակ կը ճըմէեմ սիրտգ անխընայ.
Ճերմակ սաւանդ վաղը կարմիր կը դառնայ.
Մա՛զ կ'հանեմ քեզի գէմ:

« Ագուաւներու կեր կու տամ այդ սեւ տչքերդ.
Քաղցած օձի բերաններու երակներդ
կը յանձնեմ ես, — տեղի տուր:
կը դողնամ քարն գերեզմանիդ վըրայէ,
Որպէս զի մարդ ըզքեղ բընաւ չարտասուէ.
Անդութ եմ, տես. — տեղի տուր »: —

Պիտի չըտամ: — Կըսմըտեցի, կըոփեցի
Թեւն՝ որ սակրես կը խորտակէր զերդ խեցի,
Եւ մատերովս անխընայ,
Բըզիկ բըզիկ ճանկըռթեցի գէմքն անոր,
Գողդըզացի, տառապեցայ քըրտնաթոր,
Եւ սուր ճիշով մ'արթընցայ . . .

Ահ, արթընցայ: — Եւ միտքս շուտ մ'ըշտապեց
Սըրտիս վըհին. դեռ Ան հոն տեղ էր անեղծ,
Եօթն արեւի նըման ջերմ:

Դեւն եղունդով լանջքըս չերտած էր տեղ տեղ.

— 112 —

Ուրախ էի՞ որ եղայ զրահ մ'արիւնհեղ
Անոր համար, Անոր գէմ:
Ո՞վ պիտօ կըրնար վետել հանել զԱյն ոըրտէս՝
Ուր (Բնչպէս աստղը կապոյտին ծոյէն ներս)
Ագուցուած է այնքան խոր:
Իր խարիսխներն ալիք մըն ալ չէ շարժէր,
Ջի անհունին և բընութեան են կառչէր
Անոնց Ճանկէրը հըզօր.

Վասըն զի իր սուրբ Եութեանն հաստատման՝
Բիւր բիւր աստղեր մէյմէկ հրաշէկ գամ եղան,
Եւ իր հետն ենք մէկ խըմոր.
Վասըն զի սուրբ Աւետարանն իր ամէն
Մէկ էջով միշտ ծորեց անոր երակէն
Արիւն մ'արեանս մեղաւոր: —

*

. . . Անդունդ մ'է Ան զոյդ որկորով անսահման՝
Որոնց մէկէն գուրս կը պութէայ Ակագան
Անցեալ եղած միւսին մէջ,
Եւ, կեդրոնն, ինքը ներկան է, որուն շուրջ
Ժամանակն իր ճիշտ ոլորտովիլ, անմըռունչ,
Կ'ընէ անդուլ ելեւէջ.


Եւ այսպէս, մէր աչքէն, մըտքէն իսկ անդին,
Ան իրեն չափ, իրեն միջեւ, իւրովին,
Եւ յաւիտեան և անհուն.
Ան Ամբողջն է, որուն անունն պարծանքով
կը յանձնէ այս մաքուր թուղթին ոըրտիս ծով
Որ իր հայլին է տրոփուն.

Սարսուսեր

— 113 —


8

Թող գըրաշարլ գողգոջէ՝ երբ անոր
 Անուան տառելն իյնան ձեռքին տակ անզօր.
 Զըշարէ ծուռ կամ անտած . . .
 Եւ մամուլն ալ՝ այդ անուան վրայ բըրտօնէն
 Թող չըճնշէ՝ թէ չէ կ'հերձի սեւ կուրծքէն,
 Վասըն զի ան է. — Ասուած: —



Ց Ա. Ն Կ

	էջ
Մուսային	7
Հայր օրնեւ	13
Զինէ գագաղը	17
Դաստիարակ	25
Հայիւ	29
Տղաք ներեցէք	33
Մոխրներու առջեւ	39
Վարին	45
Վիճակը	53
Մուրացիկը	59
Մեռածին համբոյը մը	65
Յաւերժութեան սեմին	69
Հիւանդ է	81
Աւազանին ձուկերուն	87
Արիւուր ճիւղը	93
Չորս տարեկանի մը նամակը	99
Անհաւատը	105
Երազ եւ խոն	109



ՀՀ Ազգային գրադարան



NL0363456

57500/37